

興國州志卷三十六

雜志

流寓

唐

陸贄奉使寓劉婆市奏免永興酒稅市祠祀之

舊志在○光亨按長劉

樂里八角亭今市廢亭存內供陸宣公神主但考宣公吳郡人

年十進士及第太歷六年以博學宏詞授鄭尉又書判

拔萃授渭南尉贄隨行御史未幾選為翰林學士遷祠部員外

郎德宗幸奉天贄隨行御史未幾選為翰林學士遷祠部員外

興國州志

卷三十六 流寓

一

不應至興國

楊益字筠松唐進士精堪輿人呼為楊救貧僖宗時避黃巢亂寓

永興三年

宋

蘇軾 見文錄宋王質東坡先生祠堂記

朱服字行中烏程人神宗時以第二人及第後遷起居舍人以直

龍圖閣知潤州徙泉婺甯廬壽五州廬人饑以便宜賑護全活

十餘萬口後歷中書舍人拜禮部侍郎以事謫知萊州徽宗時

加集賢殿修撰再知廬州廣州坐與蘇軾遊貶海州團練副使

蕪州安置改興國軍卒

舊志列職官傳云坐蘇軾黨貶知興國

興國軍並無知字川改興國亦係安置可知故彙入

汪藻字彥章江西德興人登進士以文名徽宗時遷著作佐郎以

忤宰相王黼出判宣州高宗時為中書舍人多所論奏為宰相

黃潛善所惡罷為集賢殿修纂奉祠明年復官拜翰林學士一

時詔令多出其手紹興二年出知湖州尋知徽州徙宣州有譖

於秦檜者奪職居永州累赦不宥二十四年卒後贈端明殿學

士所著有浮溪集集中有過瑞昌永興界詩當是由宣州遷永

州路次興國而作也

新增○浮溪先生僅路過興國耳然其生平三忤奸相屢遭貶謫以卒光亨讀宋史

興國州志

卷三十六

流寓

二

仰其風節復讀浮溪集見有瑞昌永興道中詩竊謂先生足跡所至所謁風過人間草木香也舊志未載亟登於此以為志乘

云光

段拂字無塵建康人紹興七年三月以翰林學士參知政事十八

年聞趙忠簡公鼎死於海南為之歎息秦檜怒罷為資政殿學

士尋落職放興國軍二十五年檜死聽自便

據新增○鑑綱目續編

無傳李心傳朝野雜記載拂於高宗十年改作明堂大禮十四年同周三畏秦熺詹大方等議普安郡王喪服又十六年以雅

樂多闕命趙拂等補遺其人似興秦檜比者惟歎息趙忠簡一節尚有可取耳

王十朋字龜齡溫州樂清人高宗朝對策擢第一其所對萬餘言

當時傳誦授紹興府簽判召為秘書郎告歸孝宗起知嚴州除

起居舍人遷侍講改吏部侍郎力辭出知饒州移夔州湖州泉州凡歷四郡布上恩恤民隱所至民繪像祠之既去猶思之如父母以龍圖閣學士致仕卒諡文忠生平以諸葛亮顏真卿寇準范仲淹韓琦唐介自況朱紫陽張南軒雅敬之子聞詩知光州提點江東刑獄聞禮知常州江東轉運判官皆篤學自立爲治能守家法人亦思慕之考梅溪集由饒赴夔時二子自南太學來送至興國故有諭二子詩其在吾州也有懷坡閣謀野堂諸詩

王聞詩 見上

興國州志 卷三十六 流寓

三

王聞禮 見上

白玉蟾蹤跡神異在州題詠極多舊志湧翠亭記有嘉定戊寅瓊山

白玉蟾攜琴過玉隆訪富川之語按尚友錄云葛長庚母以白

童子科後隱於武夷山號海瓊子草書若龍蛇所著有武夷上清二集行於世

謝枋得字君直信州弋陽人豪爽介直與人論古今國家治亂事必掀髯抵几跳躍自奮以忠義自任徐霖稱其如驚鶴摩霄不可籠繫寶祐丙辰中禮部試高等比對力詆時宰閹宦抑置二甲第一初父潯州僉判忤使者董槐以死先生既第董槐執政竟不堂叅而歸丁巳召試教官調建甯教授己未除兵部架閣

令募兵援江上江東漕司試士徵較藝先生憤賈似道竊政讒忠毒民發策十問摘其奸極言天心怒地氣變民心離人才壞國有亡徵漕使陸景思上其稿於似道竟以訕謗鑄兩秩景定五年甲子謫居興國軍讀東坡石田驛詩有溪上青山三百疊之句遂號疊山授徒講學批點文章軌範守令以下皆及門執弟子禮丁卯召試史館先生曰似道餌我也不赴里人行事有不循理者輒曰謝架閣聞乎無秋毫假與人意人亦高其風必自審乃進非義者不敢至其前在興國四年以咸淳三年赦放歸德祐元年授江東提刑江西招諭使知信州總兵守饒信與

興國州志

卷三十六

流寓

四

元兵戰不利遂易服負母走閩中天下既定遂居焉後元福建行省参政魏天祐欲薦枋得與之言坐而不對天祐怒強之而北二十六年至京師不食卒

舊志景定五年安置興國軍咸淳七年赦歸在興國八年今據宋史

正更

雪菴和尚

即國

明葉希賢靖難後遯跡武黃托堪輿以自晦嘗至興

流寓 增補

宋

南宮清一江西甯州人端平二年進士與馮偉桂評爲齊年生嘗
至州東愛坡山峰巒秀特林壑清美自號坡山主人

元

范士竒江西德化人官靖江路儒學教授親喪廬墓詔旌其閭復
其家時往來州東永城驛至治二年撰劉公橋記記載藝文

國朝

陳名夏江南溧陽人官至吏部尚書大學士曾撰州儒學記自叙

興國州志

卷三十六

流寓

五

庚辰冬寓雉城五月

仙釋

唐

鍾離嘉相傳鍾成觀其飛昇處也

宋

吉祥大禪師岳飛門僧陳無極也飛死無極亦跌坐而化州西長興寺是其所建

章自然武甯人闢觀於太平山以元帝靈符濟人宋贈通真元妙靈應自然廣惠真君賜金鐘玉磬

雷時中字可權累舉不第遇異人授混元法書一卷居東平顏子

興國州志

卷三十六 仙釋

又五

山爲民禱雨晴驅邪治病捷如影響著有雙橋詩集卒葬顏山之麓道場在山巔朝謁者時見天燈之異

戒生和尚浙江人明末棄官落髮州人劉興覲鍾大鼎等迎至銀山寺開堂接眾歲饑捐賑多所全活對人與父言慈與子言孝隨地開示未嘗勸人奉佛

無無和尚名戒顯字悔山號罷菴太倉州人明末避亂薙髮住善福里慈雲寺州人馮之圖與之遊卒志其墓舊志無和尚不

誌其墓不詳其姓氏或曰此故國楊維斗先生也遺詩百首存六以誌其概李應熙鐵甕集遊荷葉庵拜無和尚塏詩序所言亦同按楊廷樞字維斗吳縣人順治四年以不肯薙髮被殺何嘗有爲僧之事又按罷菴詩偈係雲居山僧以不顯著順治十

六年自序詩凡百三十首舊志所刊無別裁錄六首皆在
中則無即戒顯非維斗明矣國朝詩和尙錄戒顯黃鶴
詩下縣志云戒顯字南晦諸生或云太倉王元達張采之門者
黃岡縣志云明末據此戒顯復表其名於此至其詩則非專在
興西雲居山來黃舊志之誤復表其名於此至其詩則非專在
興國州而作既正舊志之誤復表其名於此至其詩則非專在
載以掛
漏之譏

僧無方有道行入百福山披荆棘築菴堂顏寺額曰重興厥後寺
遭燬有法孫順也性厚重爲州護印司偕徒徹虛輩勉力重修
不假募化殆守無方衣鉢之眞傳歟

國朝

慧然和尙住長樂鄉仙姑臺悟緣覺坐化

興國州志

卷三十六 仙釋

六

懶拙道人辟穀朝陽洞嘗以蟒蛇黑虎自衛隱語報人禍福無不

中後入終南遊訪錫冊云懶拙相傳爲前朝進士樓九宮後削髮不
知其稿僅傳其道行高里上人遷謁方丈多有不遊九宮山吟詠此詩已輒
焚其稿僅傳其道行高里上人遷謁方丈多有不遊九宮山吟詠此詩已輒
寯志已採一稱懶拙和尙

舊志方外一門尙有唐羅公遠無涉黃中理人學道於公遠
德本雖是鄂人其事蹟均於州遠無涉黃中理人學道於公遠
國亦與州無涉故皆刪去

寺觀

康熙志寺觀與祠廟等項并人古蹟雍正志另爲一目而寺觀庵閣以類相從今合錄之而隱分遠近至此次採訪亦參入焉

福聖寺社稷壇下唐咸通八年建舊名延壽宋嘉祐八年改名福聖後經兵廢明嘉靖二十一年知州吳希賢重建萬曆十五年州人吳國典重修有碑鄭宗學撰文莊以善書并篆額同治二年廢卽其地改建保康祠

西禪林治西北二里今廢

興國州志

卷三十六 寺觀

七

桃花菴治西北二里桃花泉側舊爲八大寺之一今廢

通眞觀北門外獅山麓宋名眞武明洪武間建道正司萬曆十五年州人吳國典重建雍正元年闔州紳耆重建今廢碑存

蓮花菴在城北蓮花池中滄浪亭左今廢

玉皇閣蓮花池畔袁良陞建傍有保赤菴前有觀音泉今廢城西六七里郭家畝有寺亦名玉皇閣

貝葉菴城西二里劉之待讀書處

大佛寺城北二里久廢

赤壁寺城西北二里州人余自昭建吳希頌重修

舊志係赤庵

雙樹菴城西十里孫敏政讀書處今廢

鍾成觀城南十里相傳晉鍾離嘉飛昇處道士陳文聰建咸豐三年燬於粵逆

大浩寺古刹城東北十里

靈仙觀治南十里在南市鎮山之巔陳天佑二年建唐貞觀八年廢宋隆興元年道士梁文聰復建獲石弩斧劍之異蓋古道場也自觀而西挹山面湖有館曰清虛菴曰貞一光宗龍潛嘗賜貞一爲號復書靈仙觀字向於廓爲記後廢遺址爲民據

銀山寺城西北十五里今名長壽觀左有三賢祠祀蘇東坡黃山

興國州志

卷三十六 寺觀

八

谷僧佛印石有泉名乳泉有倉督呂耀曾撰記有州人盧庭琮撰重修三賢祠祀

眞如寺城南十五里山名滌泉卽唐三藏院也唐天祐六年建有御書閣奉唐太宗宸翰一百二十軸座下有泉明嘉靖間廢

舊志

蘇東坡有詩今考蘇集係江西筠州眞如寺也故刪去

香巖寺眞如寺側舊名善財院

龍湧寺城北二十里巖頭山右

雲峯菴城南二十五里顏子北三面臨湖修篁繚繞菴藏其中甚爲幽邃竹外有巨石平如列几名望江臺

圓覺菴治南二十五里柳峯砦下菴內大鐘崇禎十三年鑄
東山寺城南東山上竹樹蒼翠泉石清幽亦勝地也

顏真觀治南三十里在顏子山兩峯間宋道士雷時中修煉之所
故奉其像觀分福祿壽三宮前有塘塘前爲香爐礮礮右有巨
石名試劍石塘側有古樹百竅玲瓏又有老藤纏護州人稱爲
勝境咸豐間頽壞同治十一年道士歸順募金重修

隆興菴治南三十里山棗嶺上知州高夢龍過其地手書匾額曰
靜與雲偕

仙姑臺有二一在長樂鄉卽慧然和尚坐化處一在犀牛山詳見

興國州志

卷三十六 寺觀

九

山川

景德寺原名重巖寺見唐舒元興重巖寺記宋眞宗詔郡國建景
德寺今長樂源離城三十里尙有此寺名

楊成菴西山側未詳其處宋紹興間楊擔力成明月修道處

石池寺城西北三十里寺後石池廣丈許唐天祐四年建

百福寺城西北五十里百福山巔境地清幽雖盛暑遊人皆有寒
色

寶山寺城北四十里一名長壽寺開山僧大機鐘識天順七年鑄
三公殿城北四十里三豐樂里祠鑪係崇禎二年鑄祀漢後主旁

有岳鄂王像道光丁酉年蝗害稼羣禱於王應時殄滅歲獲豐收里人遂於殿旁僧舍改建一祠專奉王像

楓林寺城西南四十里

筠山寺城北四十里舊名華嚴寺唐建

光緒元年燕公永烈捐廉設義學於此

興曠寺在筠山顧景星白茅堂文集載有郡博士柯沅仙記建於東晉詳山川志今久廢今寶政里祠亦名興曠寺蓋昔日寺僧分居者故因其寺名歟

大章寺城北五十里大章山下

問梅菴在永章里勝筓山之巔相傳明初有道士攜一童結茅爲

興國州志

卷三十六 寺觀

十

亭倒插梅枝於井旁越旬遣童往觀問梅活乎曰已華矣笑而去里人程志安因易亭而菴康熙間進士吳豈黃捐貲補葺題曰問梅禪林

香巖觀城東北未詳其處

靈巖寺城北五十里靈巖山上

永壽寺在三溪口之鳳凰山舊有寺僅存廢址明太監院浪等捐貲付沙門善海興修殿三翼以長廊有方丈僧堂齋堂鐘鼓樓山門繚以周垣善海爲圖告成浪以上聞賜名永壽正統八年冬立石禮部尙書 撰文順天府府丞朱孔易書太常寺少

卿程南雲篆額

法華寺城西北六十里辛安里石姓建

雙泉寺城東南六十里四面山匝一徑可通泉自兩腋出

石壇寺城西北六十里

羅漢寺在富池有陳朝古檜

淨教寺在富池江口

來佛寺在城東七十里道光十一年大水有佛像浮江而來止黃

伏灣渡口三日不去近山有洞土人舁像其中就石壁立寺因

名來佛寺左有排石磯右有黃磯寺前有蒲泉洞道光二十五

興國州志

卷三十六 寺觀

十一

年知州陳公及瑞昌縣知縣謝廣濟縣知縣王在黃磯定有湖

北江西界石

長興寺城西七十里宋吉祥禪師建

慈雲寺城西北七十里一名荷葉菴明末僧戒顯住此

白雲觀在城北八十里千秋鄉今不詳其處

舊志按千秋鄉距城無

百八十里今據康熙舊志改正

四峯寺在大箕山腰側有郭公泉瀑布石諸景

齊光寺境極清幽有泉甘冽明給事中曹景參勒二詩於石今存

東覺寺在永城里東覺山下曹景參讀書其中施有銅磬一枚咸

豐三年毀於粵逆

寶泉寺紫荆山之西大乘山之南相傳明僧戒顯參禪於此題壁
詩句尙存明侍郎徐綱讀書處

湧泉菴在紫荆山之東泉自菴後湧出繞菴而西上負高崖下臨
絕壁竹影樹陰映帶左右亦幽境也

白雲菴大德山半白雲尖下

麓源寺距城八十里在福慶里麓源山峯巒聳翠林壑深秀寺東
有泉遇旱禱雨必應康熙戊戌僧清引修葺殿宇知州高公夢
龍過其地覽勝給額更名作霖寺

興國州志

卷三十六 寺觀

十二

西禪寺城西南百里慈口市後咸豐甲寅燬於粵逆光緒六年朱
姓重建

石門菴在陽辛市上二里許里人徐綱重建菴前爲石門潭水中
峙兩石如門故名

石燕寺城西百二十里

北臺寺上雙遷里北臺山半山起石臺平如掌廣可數畝臺上懸
崖攢石垂覆可庇風雨流泉繞石罅宋學士吳中復讀書處號
龍圖書院其旁爲寺

崇福寺城西百八十里

赤溪寺在崇慶里 國初懶拙和尚舊志作道人駐錫於此

普門寺在厚嶺山西南距城一百十里寺左右有泉不涸本名雙

泉寺

南巖寺在白崖山麓巖壑幽邃舊有宋代碑碣燬於粵逆存香爐

一係康熙五十三年鑄

劉龍宮舊名劉公殿記有宋徽宗大觀元年字樣當是宋建知州

高公夢龍過此題詩其上有泉長拋瀑布雲斷點山衣之句

小石壇寺舊名石鼓寺唐懿宗時僧明惠建明改名接雲菴知州

高公夢龍改今名並紀以詩

興國州志 卷三十六 寺觀

十三

修真壇寺在父子山寺後懸崖萬仞有乳泉從石隙湧出繞寺迤

邐而西奔落石澗激聲若雷似匡廬瀑布可溉千畝歲旱禱雨

輒應

普渡庵在功德坪進士趙鰲讀書處有泉流出溉田歲旱禱雨輒

應

高陽菴城北三十里踞雞鴨山之脊

眞仙庵舊名雲峯古刹在父子山東庵左有泉甘冽異常澄渟不

溢歲旱禱雨輒應又有石臼相傳眞人擣藥處

碧雲仙館在坡山巔光緒元年左爵相郵題

八峯菴在黃山嶺東崖下黃姓舊建菴下有泉冬溫夏寒
華嚴菴在善福里費姓舊建祀祖師左有泉曰晏家井昔爲龍潭
歲旱禱雨輒應

峨嵋寺在豐義里峨嵋山巔歲旱附近居民恒依此禱雨

大泉寺在修淨里明成伯滔建寺後懸岩百丈泉自半空落四圍
喬木陰翳雖盛夏可忘暑

唐莊寺在修淨里明成伯迪建或以爲唐之莊王修真於此寺枕
山腰下數武則留風亭在焉亭外盥月池水冒石出游人題詠
甚夥

興國州志

卷三十六 寺觀

十四

慈光寺在修淨里明成伯澄建佛前有放生池魚鼈無數見人不
驚靜室桂二枝花開時僧折一枝貽人珍如拱璧

禮佛寺在吉口里之南前僧鼎建衣鉢相傳爲名寺洞內有雪山
雨山龍塘鷺絲仙人礮擎天柱普陀巖諸勝
道興寺在吉口里峯火尖山腰間

九龍菴在州南興瑞里相傳陳谷真人得道處

曹王廟在崇慶里廟旁古樟二株大十圍

龍角寺在龍角山唐貞觀二年建

牛湖洞寺在治東三十里牛湖山寺當洞門山下有渡

靜室寺在治東坡山明萬厯間劉姓建

東台寺治西南百八十里石良山下宋熙寧間敕建崇禎十七年
闖賊踞庵鄉人焚之順治間處士孫如東重修編修王鳳池詩
云千山萬壑一溪流五嶽歸來此妙遊澗水出迎三十里山□
引座幾重樓神仙境界觀棋住吳楚畫圖走筆收四大空中空
不得乾坤景物挂心頭

墨池寺在治南鍾山嶺明提學鄭宗學讀書處